



قانونی سلطان سلیمان خان حضرت تارینک مخدوم شهریار یلری

شہزادہ بایزیدک نظیرہ سی ۱۱

مر زمان اول بی وفادن برجفا اکسک دکل
جانده غم دلدہ الم باشدہ بلا اکسک دکل
هیچ بیلیم نیلیم یارب عجبدر طالعم
هریکادن دایما برافترا اکسک دکل
جریخ کیچ رفتار الدن بو بلا کش جانمه
آه کیم اندوه و غم زجر واذا اکسک دکل
آشیان تندہ مرغ جانہ هر صبح ومسا
پادشاهم خون هجر کردن غذا اکسک دکل
شاء اقلیم کرمسن قومہ الدن لطیفی کیم
بومثلدر مر زمان قولدن خطا اکسک دکل
روزوشب درکاهکه تحفه بو (شاهی) بندہ دن
ازدیاد دولت وعمرہ دعا اکسک دکل



قانونی سلطان سلیمان خان حضرت تارینک مخادیم شاهانه لرندن

شہزادہ سلطان محمدک نظیرہ سی

یار یانندن رقیب بدلقہ اکسک دکل [۲]
جانمه درداکہ هر کنز بر بلا اکسک دکل

[۱] شہزادہ بایزید بن قانونی سلطان سلیمان خان حضرت تارینک فارسی وترک
ایکی عدد یازمه دیوان بلیغانه لری و خط دست نجیبانه لری مات کتبخانه سندہ
موجوددر .

[۲] شہزادہ سلطان محمدک بوغزانک دیکر پتلیر شہودمن اولماشدرہ

ینه سلاطین عثمانیه نك بووزن وقافیه ده ردیف دیگر اوزره ده بعض
آثار شاهانه لری وارد از جمله قانونی سلطان سلیمان خان حضرتلرینك
شوفزل شهر یاریلری بواسلوبدندر:

سنسز ای دلبر بکا آم وفغان اکسك دكل
لاله وش بغرمده هم داغ نهان اکسك دكل
دلبر اولدر کیم وفاده اولیه اکسكلکی
یوقسه جور وظلمی چوق نامهربان اکسك دكل
که خیالیدر قونان کوکلم اونده که غمی
اول خرابه اوده مهمان هر زمان اکسك دكل
لعل نابك حسرتندن ای لطافت کلشنی
کوزلرمدن صبحه دن بردمده قان اکسك دكل
کوکلك آچیلمز (محبی) سرو قدك اولسه
سرو وباغ وکل دخی آب روان اکسك دكل



سلطان مصطفی خان ثانی حضرتلری

هیچ باشمدن هوای زلف یار اکسك دكل [۲]
مرتفع یردر انکچون روزکار اکسك دكل



[۲] بعض مجموعه لرده شوپینك ایکنجی مصراعنك اوستنده جواب
شیخ الاسلام فیض الله افندی عباره سی کورلمکده ایسه ده سلطان مشارالیه
زمانتی ایکی شیخ الاسلام فیض الله افندیلر ادراک ایلدیکندن قنغینسك اولدینی
وتفصینك مهیج اولوب اولدینی بیکه مامشدر .